

如新拂拭而首痕尚在幾千年之前定聖主
開圖二百歲之昌期吾皇享國御名國姓生
日年辰一指陳重符驗繼書薄德備列
姓名載詳圖錄之文益切兢管之懇遐瞻煙
岫仰感靈恩報因照酌之筵遙真契修之念
上願洪基克固比溟渤以無涯聖壽增延並
岷峨而更峻九圍順化萬寓歸仁普度忠孝
之誠以副真靈之祐不任

廣成集卷之十三

廣成集卷之十四

致二

皇帝熙仙居山詞

上朝太清宮高真奉恩制奉天德賜紫杜處選

伏以聖主明王必臻符瑞膺圖受錄受署謳
歌既居億兆之尊遂忝帝王之命泊臨大寶
將及六年教化未泰於生靈華裔尚乖於正
朔兢兢業業同敢違寧慮刑法之不均恐賞
罰之非當屯兵絡野念富庶之未臻暴骨盈
川固殺傷之不一每思首謝用贖愆尤敢言
圖識之文併屬庸虛之士今年七月八日漢
州什邡縣百姓郭迺芝於仙居觀採藥掘地
得銅牌長七寸廣四寸上有六十字云老子
通天記云丁卯年甲戌乙亥王生享二百年
天子王從建王元膺王萬感王岳王則王道
宜五字篆文未詳後云洛州北邙化章弘道
天寶年留此明後聖代顧惟薄德遽捧殊祥
云曆數之延長紀于籙之次第佩服玄既益
用兢兢敢罄深衷專申酬謝伏冀早朝福地
總召名山各駕仙車共歆丹懇示安社稷咸
泰人民致風雨之不愆俾千戈之載戢繫賴

靈觀深冥于懷不任

皇帝修靈符報恩照詞

伏聞惟天降祐彰瑞於河圖洛書惟帝法天
受命而膺符執契古今所稟曆數迭興臣運
偶玄休德整寡昧承土德陵夷之後億兆無
依叶金莖啓創之初蒙瀛推戴恭膺天寶于
茲六年常以未明求衣日旰忘食兢兢業業
上奉穹昊今則銅版靈文出於古觀示太上
降祥之兆應承乾受命之徵名姓具彰年辰
畢載斯乃豫定於九天之上先期於億歲之
前秘篆昭宣真文煥赫告延洪於寶杵表遐
永於孫謀省已循懷以兢以懼欽惟靈醴彌
切勵修是用虔肅實齋依歸至道庶諧多福
永庇萬方不任

聖上於葛仙本命化照詞

伏以景列上玄山分下土乾坤交應罪福攸
司緬彼靈蹤鎮于天府藏雲噴雨旁資生化
之功玉洞瓊巖深閤神仙之宅果叶殊休之
運更膺開國之祥惟此命辰配茲真境契清
明之嘉候耀大火之靈光當天禧福之期

是鸞鶴上賓之日式陳熙祝用達精誠坐宣
室以馳心望白雲而稽首所冀旁流景軌幽
贊鴻圖羣生共樂於和平萬國必同於書軌
永言修奉以答玄功不任

皇帝又照葛仙化詞

伏以列宿麗天羣山鎮地爰通氣象以福邦
家每申望秩之儀必介惟新之祐皇帝奉天
啓曆應運執符本命之山實惟茲化洞會雲
雨峯曷煙霞必有先靈潛弘讚祐況當令序
式備照析翹首歸心恭希景既伏惟諸天上
聖俯鑒明誠三真衆仙同流巨溥使帝圖延
永杜稷隆昌二十四峯克膺於聖壽百千萬
歲長固於皇基四海九州咸賓膺化五兵戢
息百穀豐穰俱登仁壽之鄉並契正真之道
不任

威儀道東玉華殿謝土地醮詞

伏聞三境九清林房日闕凝雲結氣宅聖棲
真因法象於上天投規模於下土觀宇之製
其在茲乎所以進退全和必資嚴潔朝元降
福固在清虛况乎仙跡靈壇所務彌邪蕩穢

用期安靜以契修敬當觀鳳闕崗崗城福
地隆興隋運綿歷唐年呈祥則瑞露凝甘發
地則香泉涌派累彰積異煥彼簡編碑鏤天
章額題御筆崇樓慶漢玉殿參雲披文則劉
美才盧照鄰金玉相宣閣教則黎元興黎守

冲英奇間出昭灼蕃威垂二百年偶以蠻蠻
憑凌王師禦捍撤我層閣壞我循廊庭荒而
綠草欺人樓碎而洪鍾委地或瞻軍之日彤
階為著宰之場或屯旅之時繡畫為狴牢之
所腥羶溢鼻夔夔傷神寂寂虛壇久息吟玄
之韻蕭蕭古牆空餘擁座之塵貯蠹不虧光
靈有待我皇帝承天啓作縱聖康時駕乘條
而濟橫流攬英雄而拯危運超義掩皞遺舜
適克屬念重玄凝情大教以為清靜者理人
之要無為者成化之源三皇則務道為先五
帝則弘德為本更敷渥澤載華凋零浹旬而
碧璋層分不日而飛軒四合瓊舒御殿將嚴
當宇之容嶽立驕臺即寫扶天之貌香花芬
馥繡飾周圓徒崇廢枯之恩未展熙祈之禮
言念于此憂心惘然又自去載以來繼有危

懼講堂推圯道信淪亡慮虧昭謝之儀是復
真靈之譴敢度眾懇恭啓福筵伏惟大聖昭
休元專降鑿錫殊祥於金運增福壽於聖躬
一統寰區大同文軌五兵輯戢百穀豐登咸
承不宰之功共樂太平之化道眾等同臻景
貺各沐玄慈法教隆昌龍神和豫旁資幽顯
普又生靈克遂道遠盡蒙禎泰往逝者生神
丹霍見居者耀籍肯无法界舍生先承道齋
犯觸之咎俱乞銷平臣等不任

御史中丞劉澆九曜醮詞

伏以太上玄元陶融萬化五老上帝統御羣
生九曜宣照燭之光三官主賞刑之籍共司
品彙以播玄功由是北臺陳校勘之科南府
示焚廷之錄蓋欲使人倫之內知懲勸之方
各勵精修用寡尤悔有過者可期於懺滌有
災者可至於祈禳廣此洪私大彰神化真經
典典幽顯蒙恩巨猥以塵凡早崇至道棲心
稽首常依清靜之門世網俗纏莫遂道遠之
願久嬰微恙猶未痊除近屬傷寒尤增羸瘵
值大運小運與生日相利土星火星照行年

之位天符飛旗臨本宮之上飛天火曜居今歲之中支命納音氣皆衰薄以茲厄會倍切兢憂是敢虔罄丹誠叩祈玄聖恭修醮禮披瀝上聞伏惟大道弘慈至真下濟垂好生之澤降罔極之恩賜臣以罪咎原除寬仇和釋災凶銷解疾疹瘳瘳將盡之年齡錫惟新之祿祚息幽陰之債訟絕往世之考延六氣內調眾邪摧殄得勵為臣之節永奉昌期普勳修道之心常弘大教不任

先鋒王承遂為祖母九曜醮詞

伏以列曜五行是司罪福上棟下宇亦有主張於成生孕育之間寧無凶吉在應護居樓之內必有愆瑕須憑道方玄功以解深災重過元皇立教三洞垂文敢按經科虔祈福祐巨祖母代國太夫人某氏年八十歲本命乙卯三月十三日戊午生今以土火二曜居三合之方天符飛旗衝大運之上五土尅於子水仍臨生日之辰以此刑妨因成微惡兢憂戰越罔敢自安伏念臣叨奉聖時獲承福緒而早悲孤藐繼履家艱惟祖母慈顏得展少

侍奉剝心瀝懇願祝延年今則所疾瘳仍災躔臨照竊恐居室之所或有犯違積世以來或有完債或往逝有考延之學或幽陰有訟連之文搆此衰老盡希懺解是用選求吉日恭備醮壇伏惟大道垂光眾尊憫鑒為臣祖母某氏解鎮災咎延續年齡增生祿於南宮落罪名於北府疾瘳除蕩朕理和調神藥潛資靈官密衛克蒙平愈永賜安貞洎乎宅宇之中常諧吉祐龍神鎮守邪惡銷亡唯冀勸修上答玄造不任

蜀王青城山祈雨醮詞

伏以五嶽上司總真專府雄稱天國峻極仙都鎮厚地以巍巍捧太穹而峭枝真靈所會水陸攸尊敷惠育於羣方廣包容於三蜀陽崖蕩日陰整翳雲讚時則表既垂楨叶聖則呈祥薦瑞古今宗仰遐邇依憑臣叨荷聖慈鎮臨重地兼梓蓬萊五之境巨微瀛壖蟄之封位極台衛任崇將相每慮功輕恩厚福過災生循分兢榮拊心憂惕自青春屆序甘兩愆期衷私虧功驕陽害物雖歷申祭祀過告

神明審雲但布於西郊膏雨未霑於南社皇皇眾庶叩向無門竊惟大道垂文天師演教有章奏之品有祈醮之科將展焚修須俟靈勝是用披心雲洞拜手仙峯佇具倍之感通冀明誠之御達賜臣以時和歲稔拯臣以兩順風調驅肥遺於窮荒舞商羊於中境巖巖曹屬鼓列欵以舒威洞府龍神震靈靈而助化消除瘴魃蘇息枯苗克敵黍稷之馨允洽京坻之望臣當悅心求理勦力徇公上答靈慈承道祐謹差九都押衙檢校尚書右僕射前黎州刺史曹嶽與左右街弘教大師賜紫杜光庭虔誠章醮歸命希恩不任

蜀王葛仙化祈雨醮詞

伏以四七在天垂文定位三八鎮地設象分靈列宿所以統幽明諸化所以司罪福况心宿為天皇之府上清乃神仙之都迥控長川倚玉輪之登秀雄臨巨屏面銅馬之膏腴緬彼福庭廣應庸蜀臣奉命所係獲在茲山而譯捏珪符仍居仙域每慮位崇任重力寡才輕超五爵以疏封制六鎮而為政或賞刑乖

21870 A 19

當或撫字失和下有怨咨上虧仁育兢憂未暇咎戾旋加卑自仲春即愆時雨塵侵瓊軌赫日騰威風鏢郊原油雲匿影生靈歎息懼失於襄功沼泣魚鳴將懸於枯肆焦勞在念叩啓無由至於銷膳精費備陳於廟貌牲牢肥膈無怯於禱祈徒罄誠心靡聞豐答仰惟神仙濟物罔間幽明大道好生普均慈施太上著修禳之品三天開奏醮之科恭望神峯速傾凡懇虔申大醮仰叩至真伏惟憫鑒所陳大私恩宥赦其愆答賜以福祥使雷電揚威龍神悅豫霽澤充致豐稔南山騰旭旭之音東作威光之律水請望歲允契有年著勤修奉之儀上副真靈之既不任

什邡令趙郁周天醮詞

誠共崇黃錄之壇虔備焚修之會兼申大醮上答重恩况境接仙山人懷道化李相國之神功宛在羅真人之聖力時彰控諸觀之福庭標二化之具府必垂昭鑒納此誠祈伏惟太上延慈衆神孚祐普資幽顯退及存亡俱錫福祥咸蒙濟枯使一方清謐百穀滋豐疫癘兵戈永無侵軼飛沈蠢動各遂安全巨等九祖七玄生天受福三途九夜離苦衆然乞與厄蠲銷罪尤除蕩潛增祿祚克保年齡同力運心俱霑巨祐不任

嘉州王僕射五符鎮宅詞

獲開度即仰荷大道罔極之恩不任
張相公九曜醮詞
伏聞大道凝光上玄垂象照臨九土覆育群生主錄吉凶司明罪福洪纖備察毫末無遺而舍簡垂文玉書演法開懺祈之路懸悔謝之儀及聲明誠必賜昭祐且兼顧惟虛薄運契遭逢位極台衡務專繁劇詳評獄訟裁制典刑或爽重輕慮招咎疊或操心屬念偏結尤違或積世此生未祛寃憤靜言循度每用兢憂今則迭滯宮中土星所歷身位之內計都所臨神首火星仍居對照生月命位俱值天符以此災躔遂成災厄捫心震惕歷歷歸依仰古象以扣折竭丹誠而懺酌伏惟至真上聖列耀高尊憫鑒塵凡降流恩宥釋前寃往債原重過深瑕增續年齡銷早災厄賜且以百關調豫六氣和早盡解凶衰全除疾苦推忠効節永酬膺主之恩深已凝心上副尊靈之祐不任

東修三元醮詞

太上無極大道元始天尊太上大道君太上

老君十方自然靈寶天尊五老上帝三元君
 天地水三官三十六部尊經玄中大法師太
 極真人三天法師天曹地府三界真靈三官
 曹府一切官司等處凡微積生福會得
 遇玄化來奉至真而跡處人寰身拘俗網沈
 淪聲利流浪死生未窮超拔之源後基清虛
 之旨六情三業動結罪條陰累者旋增疊
 咎或前寃往債尚繁實關故殺誤傷未申讞
 露或五行三命災運所臨暗曜明星凶神所
 犯常情靡測祈謝無由三元有考定之期五
 帝無陰明之典至或九玄七祖猶滯三途注
 訟相延愆過委積福蓋稱至首悔何門因今
 井官校錄之展眾申祈照之禮願迴言鑒俯
 察丹誠介福垂恩延生保命九玄開度除右
 簡之罪名東元清銷上左官之生錄永蒙道
 蔭常荷鴻休上願帝祚延洪天元玄星生靈
 和泰遠近又安九稼惟豐五兵自催九幽六
 趣罪夷窮魂俱承曠蕩之恩各遂逍遙之性
 不任歸命虔誠懺請之至謹詞

王宗瑒等下會歷六甲錄詞

臣等早以庸虛志希玄奧凝心妙道歸命真
 乘步六甲之秘文蒸長生之要旨而寄身名
 官其遂精修三元四始之辰香燈或闕五臘
 六陽之會存注其辜恐兼故殺誤傷仍有前
 寃往債或行年厄運或宿曜災期曾未懺陳
 但增憂惕敢以下會吉日照錄希恩伏冀五
 帝高尊降流積福六甲具史洗滌罪瑕上生
 籍於天曹削死名於地簡舉家家祐七祖生
 天祿算增延公私貞泰永動焚炷以答玄慈
 不任

三會為弟子願詞

臣以庸微負荷大法教弘真訓開度天人投
 道傳經濟時行化弟子某等夙慕大道歸命
 至真奉信玄科參受符籙傳付之後已歷歲
 年或慮未交道之前及佩錄之後立身注意
 動有罪條三業十躔恣其愆過三元八節朝
 謁不專本命庚申修行有關或嗽食葷血穢
 亂正真或嗜欲繁華負違禁戒非憑三會難
 適懺祈今因某會之辰考校之節同申大照
 拜章言功謝罪十天歸誠三寶並乞宿殃清

蕩眾罪獨除善簿定名生官列籍究仇和解
 債訟夷平真氣內充百關悅豫靈官外護萬
 惡銷沈五行三命之中暗曜明星之內永無
 臨照長息災凶九祖生天六親家福公私貞
 吉動靜康宜年命增延福祚遐廣等令修勵
 上答玄恩不任

廣成集卷之十四